

Ngaju - Agape Surat Barasih - God's Love Letter Scriptures

Yohanes 15:9 Kilau Bapa sintu aku, kalote kea aku sintu keton. Keleh keton tetep belom kilau oloh je inyintaku.

Yesaya 43:1,2 - Epesus 2:10 Itah toh inampa awi Hatalla, tuntang mahalau Kristus Yesus, Hatalla manampa itah uka itah malalus kare taloh je bahalap je jari inatape akan itah.

Yeremia 1:5 - Galatia 1:15 Tapi awi kahalap atei Hatalla, ie mintih aku helo bara aku inakan tuntang mantehau awi uka melayani ie.

Yohanes 15:16 Dia ie keton je mintih awi. Aku toh je mintih keton, tuntang manyoho keton haguet mangat mamua are -- iete kare bua je dia tau binasa. Maka Bapa kareh manenga akan keton en bewei je ilaku keton dengae huang arangku.

3 Yohanes 1:2 balakudoa balaku karigas akan pahari tuntang taloh samandiai uras bahalap kea dengam, sama kilau hambaruam te bahalap kea.

Yesaya 43:4 - 1 Petrus 2:9,10 Tapi keton toh utus oloh je iintih, kare imam je mandohop raja, utus oloh barasih, je ain Hatalla bewei, ungkup ain Hatalla kabuat. Hatalla mantehau keton tuntang mintih keton balua bara kakaput uka tame akan huang kalawa je tarang haliae, awi ie nahuang mangat keton manawur barita tahuu kare gawi je luar biasa. 10 Bihin keton dia ie ungkup ain Hatalla, tapi toh keton ungkup ain Hatalla. Bihin keton jaton mandino asin Hatalla, tapi toh keton mandino sintae asie.

Yeremia 31:3 - Epesus 1:4 Helo bara kalunen toh injapa, Hatalla jari mintih itah mahalau Kristus uka itah manjadi oloh ayue bewei tuntang jaton bara kasalan intu taharepe. Awi sintan Hatalla,

2 Timoteus 1:9 Hatalla manyalamat itah tuntang mantehau itah uka manjadi ungkup ayue bewei. Ie malalus jete dia hagalang gawi je jari iawi itah, malengkan hagalang rencana ayue kabuat tuntang asie. Ie manenga akan itah asie mahalau Kristus Yesus helo bara kalunen toh injapa.

Yohanes 3:16 Karana kalote Hatalla sintu dengan olon hong kalunen toh, sampai ie manenga anake je tunggal, uka gageneb oloh je percaya dengae dia binasa, tapi mandino pambelom je bujur tuntang katatahie.

Hosea 11:8; Yesaya 49:15,16; & Yesaya 41:13,14

**Lukas 12:32 Keton je baya isut kare bitin keton, ela mikeh! Basa Bapa
keton manenga akan keton berkat bara pamarentahan ayue.**

**Mateus 28:20 Keleh majar ewen manumon kakare taloh je irentahku akan
keton. Tuntang ingat aku kareh harajur mampahayak keton sampai
kalepah kalunen.**

**Yohanes 14:1 "Ela atei keton gogop," koan Yesus dengan ewen. "Percaya
ih dengan Hatalla, tuntang percaya ih dengangku kea.**

**Mazmur 23:1 - Yohanes 10:11 Aku toh Sakatik je bahalap. Sakatik je
bahalap manenga hambaruae akan kare tabirie.**

**Mazmur 23:2 - Pangarinah 7:17 awi Anak Tabiri je mondok intu bentok
padadosan te kareh manjadi sakatik ewen. Ie kareh magah ewen akan
tahasak danum je manenga pambelom. Tuntang Hatalla kareh mampuas
kakare danum matan ewen.**

**Mazmur 23:3,4 - Lukas 1:79 kalote kea ie manenga kalawae akan kakare
oloh je belom huang kakaput tuntang huang kikeh. Ie mangagalan itah
huang jalan je manintu akan kasanang.**

**Mazmur 23:5,6 - 2 Korintus 1:10 Ie te je jari manyalamat ikei bara bahaya
pampatei je hai te. Tuntang ie te kea je kareh manyalamat ikei hong
kare andau rahian, awi puna dengae ikei harap.**

**Pilippi 4:7 Maka kasanang bara Hatalla je manangkalau batas kaharatin
itah, akan manjaga atei tuntang tirok keton je jari hinje dengan Kristus
Yesus.**

**Paribasa 3:24 & Mazmur 4:8 - Yohanes 14:27 Kahanjak impelaiku akan
keton. Kahanjak ayungku kabuat je inengaku akan keton. Taloh je
inengaku te dia kilau je inenga kalunen akan keton. Ela gogop, ela
mikeh.**

**Mazmur 33:18 - 1 Petrus 3:12 Basa Tuhan harajur manantuani kare olah je
manumon kahandake, tuntang Tuhan harajur mahining kare lakudoan
ewen; tapi Tuhan malawan kare olah je malalus kapapa.**

**Roma 5:2 Awi itah percaya dengan Yesus, maka ie mampaolih itah belom
huang sintan Hatalla, tuntang hapan sinta te ih itah belom wayah toh.
Tagal te itah hanjak atei mingkes kaharap te, iete itah akan mangkeme
salamat je inenga Hatalla!**

**Yesaya 55:12 - Lukas 19:40 Yesus tombah, "Percaya bewei! Amon ewen
suni, maka kare batu toh kareh mangkariak."**

**Yohanes 16:22 Kalote kea dengan keton: Toh keton kapehe atei, tapi aku
kareh hasondau tinai dengan keton, maka atei keton kareh hanjak;
tuntang ije biti mahin jaton olah je tau manduan kahanjak te bara atei**

keton.

Lukas 12:9 Tapi oloh je milim arepe intu bentok oloh je ie muridku, ie akan iilim kea awi Anak Olon intu taharep kare malekat Hatalla.

Mateus 10:30 Kare balau' hong takolok keton mahin uras jari iise.

Yesaya 54:10 - Mateus 24:35 Langit tuntang petak kareh lilap, tapi auhku tetep sampai katatahie.

Mateus 11:28-30 Keleh dumah talih aku keton samandiae je heka, tuntang je mangkeme katanggongan; aku handak mampangat keton. 29 Keleh manumon auh parentahku tuntang keleh bajar dengangku. Basa aku toh balemo tuntang randah atei, maka keton kareh mangkeme kamangat. 30 Karana kare parentahku mampangat, tuntang tanggongan je inengaku akan keton te mahian.

Salomo 2:10 & Hosea 2:14,19,20

2 Korintus 11:2 Aku taharu dengan keton, kilau Hatalla kabuat mahin taharu dengan keton. Keton kilau ije biti oloh bawi bujang je magon barasih je jari injanjiku uka ingawin dengan ije biti oloh hatue, iete Kristus.

Exodus 3:14 - Ibrani 13:8 Yesus Kristus tetep sama, aloh bihin, metoh toh, tuntang sampai katatahie.

Hosea 13:4 - Gawin Rasul 4:12 Mahalau Yesus bewei oloh inyalamat. Basa hong hapus kalunen bara marak olon jaton ije biti je jari mandino kuasa bara Hatalla uka manyalamat itah.

Yohanes 15:14 Kare sobatku iete keton toh, amon keton malalus kare taloh je irentahku akan keton.

Yohanes 14:6 Yesus tombah, "Aku toh jalan hapan mangasene Hatalla tuntang mandino pambelom. Ije biti mahin jaton oloh tau dumah manalih Bapa, amon dia mahalau aku.

Pangarinah 3:20 Ite! Aku mendeng intu bauntonggang tuntang manegah. Amon aton oloh je mahining auhku, tuntang mukei bauntonggang, aku kareh tame manyondau ie; aku kareh kuman hinje ie tuntang ie akan kuman hinje aku.